


PRENDI MAS SOBRI SKOLA DI MASSACHUSETTS!

Report Card



Prokura boletin skolar
di bô skola na
reportcards.doe.mass.edu


5 Dadus Rapidus

SOBRI BOLETIN SKOLAR

1. Sima boletin skolar di alunus ta mostra modi ki es sta na diferentis materias, boletin di skola ta mostra modi ki skola ô distritu sta na arias diferentis.
2. Boletin skolar ta inklui un variadadi di informason, mas du ki notas di MCAS.
3. Boletin skolar di skola ta mostra informason ki ê mas inportanti pa familias di Massachusetts.
4. Boletin skolar di skola ta identifika ondi ki skola sta fazi dretu y ondi ki mestê midjora pa ten serteza ki tudu ta bai di enkontru ku nesesidadi di alunus.
5. Lider di distritu y direktoris podi uza boletin skolar pa djuda skola y alunus y pa identifika manera di djuda skola kontinua ta midjora ku tempu.

Familias ê nos sosius inportanti na susessu di alunus di Massachusetts. Dipartmentu di Edukason Primariu y Sekundariu di Massachusetts ta kompremetê di da informason en ditalhi pa familias, pas podi intendi midjor edukason di ses fidju.

Entra na reportcards.doe.mass.edu pa atxa boletin skolar di tudu skola publika na stadu.



Glosariu Boletin Skolar

INFORMASON GERAL

Informason baziku sobri skola ô distritu.

Kondision di Titulu I: Si skola ô distritu ta resebê verba di Titulu I. Skolas y distritus ku grandi populason di alunus di familias di salariu baxu ta resebê verba federal di Titulu I pa djuda garanti ki tudu kriansa ta atxa padrao akademiku di stadu dizafiador.

ALUNUS Y PROFESORIS

Informason sobri matrikula di alunu y kualifikason di profesor.

Alunus ku difisiensia: Alunus ku nesisidadi spesial ki tene un Programa Individual di Edukason (IEP).

Disvantajen Ikonomiku: Alunus ki ta resebê ajuda atraves di Programa di Asistensia Suplementar di Nutrison (SNAP), Asistensia Tranzitoria pa Familias ku Kriansa Dependenti (TAFDC), Departamentu di Kriansa y Familias' (DCF) programa di kaza di kriason, ô MassHealth.

Nesesidadi Altu: Alunus ki ta pertensi na un ô mas di kes grupu siginti: alunus ku difisiensia, alunus di Ingles di agora ô di artis, y/ô alunus ku disvantaja ekonomika.

Ikivalensia di Tempu Integral: Numeru di vaga pa profesor is di tempu integral na skola ô distritu. Alguns vaga di profesor is ê di meiu piriudu y portantu es ta reportal kuma parsela (pur ixemplu, 0.8).

OPORTUNIDADI AKADEMIKU

Informason sobri partisipason di alunu na kursu extensu y dizafiador.

Kursu Avansadu: Kursu ki ê konsideradu avansadu ta inklui Kolokason Avansadu, Baxarelatu Internasional, matrikula dupla, y otus klassis dizafiantis di varius materias.

MassCore: MassCore ê un programa di studu rekomendadu pa stadu ki ta diskreve minimu di kursu baziku ki mesti pa kompleta kuantu-anu di fakuldadi y speransa di trabadju. MassCore ta inklui kuantu kadera di Ingles, kuantu kadera di matimatika, tres kadera di siensia ku base di laboratoriu, tres kadera di storia, dos kadera di mesmu lingua stranjeru, un kadera di arti, y mas sinku kursu basic.

PREZENZA Y DISIPLINA DI ALUNU

Informason sobri prezensa y disiplina di alunu.

Falta di prezensa Kroniku: Percentaja di alunu ki ta falta 10 pur sentu ô mas na anu (pur ixemplu, 18 ô mas dias nun anu letivu normal di 180 dias).

Disiplina di Alunu: Percentaja di alunu suspendidu, xpulsadu, ô retiradu di atividadis di klassi normal pamodi ses mau komportamentu.

SUSESSU DESPOS DI LISEU

Informason sobri formatura, abandonu di skola, y taxa di futuru-universitarius.

Rezultadu di Liseu: Informason di formatura, abandona skola, y futuru-universitarius ê dadu pa skola y distritu ki ta atendi grau 9 ate 12.

DIZENPENHU DI ALUNU NA IZAMI DI STADU

Informason sobri dizenpenhu di alunu na izami di Sistema Konpriensivu di Avaliason di Massachusetts (MCAS). Kada anu, alunus na grau 3 ate 8 y 10 ta fazi izami MCAS na arti di lingua Ingleza (ELA) y matematika, y alunus na grau 5, 8, y 10 ta fazi izami MCAS di siensia.

Konkista: Notas di MCAS di alunu.

Avansu di Alunu: Percentajen di avansu di alunu (SGP) ta mostra modi ki notas di MCAS ta kompara ku otu alunus ku mesmu notas di MCAS. SGP dun skola ô distritu ta reprezenta media di avansu pa skola ô distritu.

DISPEZA

Informason di kantu dinheru ta gasta ku kada alunu.

Dolar gastadu pa kada aluna: Kuantia ta dipendi na matrikula, fursionarius, program spesial, y nesisidadi di alunu na skola.

RESPONSABILIDADI

Informason sobri rezultadu di responsabilidadi mas resenti di skola ô distritu. Sistema di responsabilidadi ta uni un konjuntu di mididas pa fornese, informason klaru y punivel sobri dizenpenhul di distritu y di skola ki podi ser uzadu pa skola midjora.

Metas di Progresu na Direson di Avansu : Dipartamentu di Edukason Primariu y Sekundariu di Massachusetts (DESE) ta difini metas anual di avansu, ô alvu, pa kada distritu y skola. Metas ê markadu pa konkista, kresimentu, progresu na preni Ingles, falta kroniku, termina liseu, y konklui kursu avansadu. Ta spera kuma skola y distritu ta fazi progresu tudu anu na direson di metas pa podi midjora dizenpenhu di alunu, y DESE ta reporta tudu anu progresu di kada skola y distritu.

Percentajen di Responsabilidadi: Percentajen di responsabilidadi ta mostra modi ki skola sta fursiona en geral konparadu ku otus skolas. Percentajen di skola ê kalkuladu ora ki djunta tudu informason relasionadu ku konkista, kresimentu, progresu na preni Ingles, falta kroniku, termina liseu, y konklui kursu avansadu. Skolas ku percentajen mas altu normalmenti ta dizenpenha mas altu, y skola ku percentajen mas baxunormalmenti ta dizenpenha mas baxu. Distritu ka ta resebê percentajen di responsabilidadi.

Klasifikason Geral: Skolas y distritus ê kolokadu na dos kategoria: kes ki mestê ajuda ô intervencion di stadu, y kes ki ka mesti. Un numeru pikenu di skola y distritu, ki ta inklui kes ki ê novu ô mutu pikinoti, ê klasifikadu di tene "dadus insufisienti."